

Morena, re gaugele, ka gobane re difofu

Thero mo Mateo 20:29-34

Palo ya Beibele: Mateo 20:17-21:11

Temanathero: Mateo 20:29-34

Morena, re gaugele! Ke mantšu a banna ba babedi ba difofu ba ba bego ba dutše thoko ga tsela. Jesu o ne a le mo leotong go tšwa Galilea. Leoto le, le fetogile leoto la bofelo la gagwe. Ka gobane o be a le bile Jerusalema go bolawa. Mo Mateo 16, re bala ka ga Jesu ga a be a batša barutiwa ba gagwe ka ga nnete ya gore o tlile o bolaiwa. Ka gobane Jesu o be a tseba gore o tlile go bolawa: 'Mehla yeo ke ye Jesu a thomilego ka yona go šupetša barutiwa ba gagwe, ge sa gagwe e le go ya Jerusalema le go tlaišwa ka tše ntši ke ba bagolo le baperisita ba bagolo le bamangwalo, le go tsoga ka letšatši la boraro. (Mateo 16:21)

Pele ga ge Jesu a ba botša ga ka tsogo ya gagwe, Petro o be a thomile go mo kgalemela. O se ke, Morena! Se se ka se diragale mo go wena. Petro a goeletša. Ka nnete, seemo sa motse ya Jerusalema se ile sa ba kotsi mo go Jesu. Barutiwa ba ile ba ikgethela go dula kua Galilea. Petro o be a nagana go boela kua Jerusalema a na le bahlabani a mantši. Jesu o ile a thoma ka leeto la gagwe go ya Jerusalema. Kantle le bahlabani.

O ile a tšamaya le barutiwa ba gagwe go ya kua motseng o, lego leoto la gagwe le be la šalela morago ka gobane o be a rera gape, o be a fodiša ka letsogo la gagwe. Le ga go le bjalo ba ile ba ya ba batamela Jerusalema. Mokgoši o ile o a kwege thata, ga ba be batamela. Barutiwa ba ile ba thaba thata ga ba be ba bona batho ba oketšega thata letšatši le letšatši.

Temanathero ya rena e re bontsha gore ba be ba le kgauswi le Jerusalema. Re bala gore Jesu o tšamaile le barutiwa ba gagwe go tšwa Jericho. Leeto go tloga Jericho go ya Jerusalema e ka na dikilomitera masome a mabedi. Jericho e kgauswi le noka la Jordane. Jerusalem yona e mo godimo ga thaba. Gole bjalo tsela e ne e namelela. Barutiwa ba ne ba sa tshwenyega. Ke mo re a tla, Jerusalema, ka lešaba le legolo!

Ka tšhoganetšo ba ema. Banna ba babedi ba dutše thoko ga tsela. Difofu tše pedi. Re bala gore Jesu o be a ba feta a na le batho ba bantši. E seng barutiwa ba le lesome pedi, go na le ba bantši gape. Ka nnete, Jesu o ne a na le balatedi ba bantši. Re bona se thata mo kgaolong ye e latelago. Ge a tsena ka Jerusalema, batho ba bantši ba ile ba mo amogela. Batho ba ne ba na le megopolo ya bona. O ke kgoši ya rena e mpšha! Ba ile ba motšamaiša go ya kua motseng wa bogoši. Ba be ba setše ba mmona a tšere sedulo sa gagwe sa bogoši!

Banna ba babedi ba, ba bego e le difofu, ba fufetše. Ba be ba dutše fase ka thoko ga tsela, ba kgopela. Go be go sa tlwaelega go re setšhaba se segolo sa batho se ka feta. Ba be ba na le kgahlego ya go tseba gore go diragala eng. Ga ba amogela molaetša gore Jesu o a feta, ba thomile go goeletša. Ga baka ba senya nako. 'Morena, morwa wa Davida, re kwele bohloko!' Barutiwa le setšhaba sa batho ba ile ba makala. Ba bolela le difofu tše gore ba emiše go goeletša! A na ga le bone gore ke mang a fetago mo? Ga ba bone. O ke Jesu, kgoši ya rena empsha. A na ga o bone o re o ya kae? Aowa, ga ba bone. O lebile motse wa bogoši, Jerusalema. Moo o tlo tšea bodulo bja gagwe mo sedulong sa bogoši. Barutiwa le setšhaba ba be ba setše ba bona seo se tlileng go diragala. Barutiwa ba botša ba difofu: ba se ke ba ba tshwenya, ba se ke ba ba emiša. Re tšwelela pele ka bo nako. Gole bjalo banna ba ba difofu ba be ba sa bone gore go diragala eng. Banna ba ba difofu ba ne ba sa bone ponelopele ya barutiwa le setšhaba. Selo se tee fela seo ba be ba se tseba: Ye ke nako ya rena! Gona bjale o gona! Ba goeletša gape, le go feta: Morena, Morwa wa Davida, re kwele bohloko!

Temanathero ya rena e re: Jesu a ema. Mo nakong e, Jesu o ba utliwe fa ba ne ba goeletša ka go fetišiša. Jesu a ba bolela gore ba batamele. Gole bjalo, ga Jesu a be a ba biletša go yena, setšhaba se ile sa homola ba se ke ba ba kgalemela. Banna ba babedi ba difofu ba ya go Kriste. Re tseba fela leina la motho o mo tee: Bartimeus. Re ka ipotšiša gore barutwa ba be ba nagana gore le ke letšatši la bona la mathlogonolo. Tlang, tlang, o a le bitša. Difofu di tla go Jesu. Jesu a ba botšiša gore: le ba tla eng? Ba araba ba re: Morena, re ba tla go bona. Re bala gore Jesu o ile a ba kwela bohloko. Ka nnete o ile a ba kwela bohloko. Banna ba ba difofu ba, ga ba a ka ba goeletša Jesu ka lefela. Jesu a kgoma mahlo a bona, ka nako eo mahlo a bona a bulega, ba thoma go bona. Ba mo šala morago. O ke mohlolo! Se se a makatša gore Jesu a ka dira se. Ee, ka nnete, a ka dira seo. Gape o se dirile. Batho bohle ba ile ba tšhoga. Gape ba thaba.

Re ka botšiša potšišo gore a na batho bohle ba be ba thabile naa? Bana bešo Moreneng, go na le motho o tee yo o be a sa thaba ka sebaka seo. Yo ke Morena Jesu ka boyena. Se se tla bonagala thata mo kgaolong e latelago, ge Jesu a amogelwa mo Jerusalema ke batho bohle ba goeletša: Hosannah! Fela Jesu ga ka a thabela se. Ka mo letlhakoreng le lengwe, o ile a nyama a koba batho bohle le diphoofolo ka mo tempeleng.

Mo temanatherong ya rena batho ka moka ba be ne ba setše ba holofela gore e be kgoši. Batho ka moka ba ile ba thoma go ya Jerusalema. Ba be ba bona bokamoso bo bo botse. Fela Jesu yena o bona se sengwe seo se fapanego le seo ba se bonago. Batho ba ka moka ba be ba foufetše. O be a tseba gore se sengwe se tlile go diragala.

Go a makatša, gore Jesu a dire mohlolo o. Banna ba babedi ba difofu ba a fodišwa. Bana bešo, a re se ke ra ema ka gore dilo tše di a makatša. Re tšwelele ke go ipotšiša gore goreng Jesu a dirile mohlolo o ka sebaka seo. Jesu o be a nyaka go fihlelela eng ka se? Batho bohle ba be ba nyaka gore e be kgoši. Pheny e thomile. Ba tsamaya le kgoši ya bona go ya kua motseng wa bogoši. Mo seemong se ba ile ba nyamišwa thata ke banna ba babedi ba difofu, ba dira gore leeto le tšamaye ganyane kudu. Ga ba bone seo se diragalang gona bjale? Ba tsamaiša kgoši ba mo iša kua bogošing bja gagwe.

Ka tsela ye Jesu a ema. Re ka re: ke mang yo o bego a foufetše mo seemong se? A na a ke banna ba babedi ba difofu? E ka ba ke barutiwa goba batho ba bantši ba ba bego ba setše Jesu morago? Ba foufetše bantši ba bona. A ga baka ba lemoga gore Jesu o be a sa nyake go fihla ka pele, fela gore a diege. Jesu a ema a fodiša banna ba babedi ba difofu. Setšhaba se be sa swanelwa ke go ema. Ba botšiša goreng? Goreng gona bjale? A na sedulo sa bogoši e be e se sona se se tlogo pele mo go Kriste? Aowa, barutiwa le setšhaba ka moka ga ba ka ba bona se. Ba be ba foufetše.

Jesu Kriste o be a ba botša nako le nako ka ga bokamoso bja gagwe, gore o le bile Jerusalema go ya go kwešwa bohloko le go bolawa. Ba ile ba ikgathološa seo Jesu a bego a se bolela. Le se ke la itlemelela go seo, Morena! Sengwe se sengwe se tla loka. Seo ba bego ba se nyaka ba be ba setše ba se bone. A re lebele temana e lego mo pele ga temanatherong ya rena. Motswadi wa Johane le Jakobo o ile a gopotša Jesu: O se ke wa lebala, Morena, gore bana ba ka ba bone madulo a bohlokwa mo mmušong wa gago! Ee, bohle ba be ba foufetše ba foufa ditšwe ke seo se tlilego go diragala.

Fela ka lebaka leo Jesu a ema. O be a sa nyake gore a ka emiša dipogišego tša gagwe, fela o be a nagana barutiwa ba gagwe le setšhaba. Mohlolo o e bile mohlala mo go bona. Banna ba babedi ba difofu ba amogela pono ya bona. Potšišo ke gore a na setšhaba se se a bona? A o foufetše le wena? O ke molaetša.

Ga se ka phošo ge Jesu a dirile mohlolo. Go emiša leeto ya gagwe, goreng? Go dira gore setšhaba se lemoge. Jesu o be a nyaka go barutiwa gore: pele o tšwanelwa ke go bula mahlo a difofu. Seo se šupa nna le wena. Mo sebakeng se batho ka moka ga ba ka ba thabela banna ba difofu: Morena, Morwa wa Davida, re kwele bohloko! Seo ba be ba sa bone se le bohlokwa. Ba be ba

bona gore ba goeletše le motswadi wa ga Johane le Jakobo: Morena, o se ke wa re lebala, ga o kgetha ditona, ga o kgetha bao ba tlilego go šoma mo mmušong wa gago. Morena, o se ke wa lebala! Ke ya le wena kua Jerusalema! O ntemoge le nna!

Jesu a ema. A dira gore setšhaba ka moka se eme. Molaetša go bohle: lemoga le wena gore o foufetše!

Lehono potšišo e tla go rena: a na go goeletše go swana le banna ba babedi le difofu: Morena, nkgauguele. O se ke wa lebala mantšu a Jesu: ga ke a tlela ba o ba ngaka, ke tletše bao ba lwalang. O se ke wa foufatšwa ke bofofu ba gago.

Se se be se le bohloko thata mo go Kriste. Ka gore batho ba gagwe ba be ba foufetše ba sa lemoge seo a bego a se tletše mo lefaseng. Ka lebaka gore ba be ba foufetše ba sa bone matshwenyego a bona. Sebe sa bona. Morago ga matšatši a latelang, ge ka moka a lemoga gore Jesu o be a sa ye Jerusalema gore e be kgoši – e seng ka sebaka seo – batho ka moka ba ile ba phathalala. Setšhaba se tlogile le yena kua Jericho, setšhaba seo se tsenego le yena ka mojako wa Jerusalema, ba ile ba timelela ge Jesu a swarwa, sekišwa, le go bolawa.

O ikemišeditše naa go šala Jesu morago? Go bolela nnete, se ke sona sehlare kahlanong le bofufu bja gago. Fela ka go šala Jesu Kriste morago mahlo a gago a tla bulega. šala Jesu morago, ga tsela e ba boima. Go šala Jesu morago, go re gore o swanela ke go mo theetša, go bea tšohle mo go yena.

Temanatherong ya rena e re bolša gore setšhaba se be se le mafolofolo! Ba be ba sa rate fela go mo šala morago, ba be ba rata go mo eta pele. Ba kgethela Jesu tsela eo a swanelwago ke go tšamaya ka yona. Ba be ba rata gore Jesu a šale bona morago. Jesu a ema. O tšea nako ya gagwe go fodiša banna ba ba difofu. E le molaetša o Jesu a o neago barutiwa ba gagwe le setšhaba. Ana o mo maikemišetšong a go ntšhala morago? E seng gore Jesu a šale rena morago. A na o ikemišeditše go re ke bule mahlo a gago go re o bone nnete. Oa lla le wena: Morena, nkutlwele bohloko! Morena, re ba tla go bona. Bjalo ka ga Jesu a boletše mo Mateo 16:24: 'Ge motho a rata go ntšhala morago, a ikgafe, a rwale sefapano sa gagwe, mme a ntatele.'

Se, ga se se motho a ka nyakago go se dira. Jesu o swanelwa ke gore emiša. Re phela mo nakong eo batho ba nyaka go tswelopele mo bophelong. Re phela mo nakong eo batho ba dira gore maphelo a bona e be a kgotsofatšang. Ba nyaka tšwelo pele fela mo bophelong. Fela Jesu o a go emiša. O ka se be le tšwelopele mo bophelong bja gago ka bowena. Tšwelopele o tla ba le yona fela ge o šala Jesu morago. Fela ge o ntšhala morago, o ka se foufatšwe ke bophelo. Ge o ikgethela tsela ya gago, o tla dira kotsi. O tla lahlegelwa ke bophelo bja gago. O tla lahlegelwa ke moya wa gago. Fela ge o ntšhala morago, ge o kopana le banna ba ba difofu: Morena, nkwele bohloko, empa o tla bulega mahlo. Mahlo a gago a tla bona bophelo gabotse. O tla thabela bophelo bja gago bjale, le bophelo bjo bo sa feleng!

Amene.